

هنا حواس

قصاقيص الوجد

أشعار

الطبعة الأولى يناير 2018

بطاقة الكتاب

عنوان المؤلف : قصاقيص الوجد

المؤلف : هناء حواس

التصنيف : أشعار

رقم الإيداع : 4062 - 2018

عدد الصفحات : 100 صفحة

رقم الإصدار الداخلي : 128

تاريخ الإصدار الداخلي : يناير 2018 (الطبعة الأولى)

تصميم الغلاف والتنسيق : دار النيل والفرات للنشر والتوزيع

الإشراف الفني لجمعية تسهيل الطباعة الشاعرة سميرة محمودى

جميع حقوق الطبع والنشر محفوظة للشاعر، ولا يحق لأى دار نشر
طبع ونشر وتوزيع الكتاب إلا بموافقة كتابية وموثقة من الشاعر

دار النيل والفرات للنشر والتوزيع

سجل تجارى : 13242

بطاقة ضريبية : 165-5-00031-572-01-35

رقم التسجيل : 202-662-544-7-2017

E-mail: alnile waalforat@yahoo.com

twitter: النيل والفرات

youtube: alnile waalforat@yahoo.com

facebook: alnile wa alforat

هاتف : 01011256943 - 01116202218 - 01202541192

الشرقية - العاشر من رمضان - مجاورة ١٣ - عقار ٣٠٤ - الدور الثانى - أمام سنتر ١٣



اهداء

إلى قلب الوطن الصامد أمام طوفان الوجد أهدى ديوانى
الثانى

(قصائص الوجد)

وهاتكلم

لو اتكلمت هتكلم
واقول من تاني واعلم ----
نفوسكم الي ما بتخجلش
وهذا تاني م الروضه
وتهجي حروف اخلاق
افهم الي ما بي فهمش
بأن دينا مبدأنا
ومبدأنا في أخلاقنا
واخلاقنا متجزاش
فيا متاجر بدين ربك
وبتفسر علي ادك
وادك لسا ما يكملش
رسول الله رؤوف وسطي

تعاليموا أمل للكون
وبشري لآخره متضيعش
فصمتا لو هتتكلم
وفكر قبل ما تكمل
في حكم الله هتلقى الرد
فسبحانه وضع حكمه
عدالته قانون –
ميزان ما يملش

عجبي.....

عجبي عليك يا زمن

عجبي علي حالي

تطحنني فيك المحن

اغني موالي -----

تقتل بذور فرحتي

ينصرني اصراري

اصل ايماني وتد

هسند عليه حالي

واعبر بحور الغرق

ورضايا بحاري

بشاره

وبستناكي في الرجعه عشان أحمل أنا الشاره
وبتمناكي منتصره ورجعه الدنيا ببشاره
حاربتي كتير أعاديكي ولسه الحرب زنهاره
طمعهم فيكي ما بيخلص يا زينة الدنيا بجداره
ولكن مين يقربلك وربك قالها يا مناره
جعل امنك بايد جندك وجندك قوه بتاره
انا شيفاكى لبسه التاج ولمه الكل بأصاله
ماهوانتى الام يا أمي وقلبك فرحته بشاره

وها تكلم 2.....

وها تكلم ومش هسكت
وها فضل نفسي كده على طول
وها فرض حلمي علي علمي
وها تحدي نهاية القول
انا الكادح علي أمني ولو قالوا الأمل مشلول
انا الماضي إلى قدري
ولو هو النهايه هنول
فلا تحزن يا اصراري علي حالي
انا هابقي معاك علطول

كل عام وانتم بخير

كل عام وانتم بخير
والاماني رسمه صورة مصر
بين جامع ودير
والمعاني الطيبه
بين الخلايق شئ جميل
والمبادئ اللي دينا حثها
تبقي السبيل
كل عام وانتم بخير
مقربين من ربنا
مكبرين طاعه لسنه وملبيين
ومكملين بجواد أمل
ان اللي جاي هيكتمل

بألف خير
والطهر يصبح للنفوس
طاقة ضمير
كل عام وانتم بخير

أنا شاعر ...

انا شاعر

وقلمي حر فوق ورقي ومش صاغر
وهفضل شايله سيف ماضي علي الغادر
ولو قالوا كلام في كلام
هقول جهله من الاخر
فبالكلمه بدأ ربي بكن فيكون
وبالكلمه نزل جبريل بحرف النون
ومن كلمه هتحدد نهاية الكون
فياليت الذي يوهن صدي الكلمات
ويسخر من مشاعرنا من الهمسات
ومن رقة عبير الورد والنسمات
ومن جراه لقول الحق دون سكات

يحط ديله ف سنانه
ويترحم علي حاله
مع الاموات

عناء الشعر

لما ابتديت أحبي وسندت ع الحيطه
ووقعت من ضعفي عيط عوييطه
لقيت قلم جنبي شخبط شوخبيطه
طلع كلام منكوش بس عمل زيطه
قالوا عليه اشعار موزونه ببساطه
فرحت انا وهللت ونمت مبسوطه
ما كنت اعرف بان الشعر توريطه
ساكن ثنايا الروح وكل تنهيده
تطلع بجرح ونوح ودمعه مكبوته
بس المشاعر كده والشعر له شروطه
ياريتني ما كتبته وعملته تحويطه

شهد الكلام

شهد الكلام كلمة سلام
بتملي قلبك بالأمل
وتكون سبيل لألف خير
فتلاقي حلمك يكتمل
ويشع نور ينزح قبور
جوه عقول منغير عمل
شفطت سواد قلب العناد
صبحت رماد في عيون ثمل
لازم يفوق من مخدره
ونرد عقله نطهره
وندخله في المحتمل
والاحتمال واحد يعود

والاحتمال صفر اخسره

لكن ومن شهد الكلام

هفضل انادي بالأمل

انا لن أمل ولن أمل

مادام روح الله في

سوف اظل واحتمل

قطر الغلابه ...

قطر الغلابه الطيبين
علي نفس قضبان الوجع
شاييل هموم الموجوعين
وذكريات من فرحهم
وهما لسه صغيرين
ماشي يهدد حلمهم
علي قدهم من صبرهم
يارب عين
بس في لحظه القدر
لحظة خطر
القطر تاه عن سكته
شاف دنيته من غير عنين

وكل ناسه الطيبين
صرخوا معاه صرخة حياه
بكت العيون كل العيون
حفرت دموعهم سكتين
سكة رحيل من غير رجوع
سكة رجوع من غير حنين
اه يا أنين الطيبين
اه يا أنين الطيبين

صباح الخير

يسعد صباحك يا هرم يسعد صباح النيل
ويملي يومنا بالأمل فيشع كل جميل
والمعني يتحول عمل وعملنا يطرح خير
يارب يا واهب لنا نعم ماليها مثيل
تجلي نورك أرضنا وذكرتنا بالخير
مصر يارب حفظتها من ذل نفس وويل
كمل علينا سترها لالف جيل ورا جيل
واجعل ولادها وجندها زخر وسند ودليل
الله اكبر ذكرها هنعدي بيه الليل
يطلع نهارنا وصبحنا ببركة التراتيل

لحن المصير

علي خطوة الحرف البرئ

لسه الأمل خطوه بطئ

محتاج طريقه يكون جري

وبالشجاعه يكون مضئ

فيشع قلمه بالكثير

ويغني نايه للوطن

لحن المصير

بلدی

یا نور عنینا
أدینا جینا نحنن وادینا
ونضم وردك
یا مصر أرضك
خیرك وعرضك
واحننا سندك
لو تندهینا
نصون ترابك بإدین شبابك
نصد كید الی یعادینا
یا دلتا یالی نیلک مخلي
طمیک تملي خصب وزینه
یا مهد جدي وبناه وسعدي

لحد سدي ما فاض علينا
يا سيدي سيد جاين نعيد
عندك يابدوي فرحة وزينه
بتضوي قلبي وتقول يا بلدي
ويا كل شبر في قريه ومدينه
مصر عظيمه
مصر عظيمه
مصر عظيمه مصر عظيمه

بحلم

بحلم وحلمي أخضر
رقيق عوده مزهر
وزهره لونه أحمر
يخطف ضي العيون
الحلم حنان وألفه
ولمه في دايره لفه
ضمه الوطن وخايفه
عليه من العيون
اصل انا وطني آيه
وحضارته كانت بدايه
وبدايته كانت حكايه
إحكي يا أبو العيون

شايـف النهر خالـد
رغم كل المكايـد
مادد ايـده وفايـض
مكحل العيـون
انا اسفـه يا حبيبتي
لسـه هكـمل حكايتي
فاستني بـكره جايـه
نفسـر القضـيه
ونفـتح العيـون

مثقّفون مع إيقاف التنفيذ

جريمه هيه جوه الشوارع مداريه

في بيت قديم جوه التكيه

ابداع يا ناس خنقوه خلاص

جوه ظلام المنهجيه

ووزاره نايمه بثقافه عايمه

مش شايفه غير الارزوقيه

بيشفتو نعم التكيه

ويقولوا فن ابداع مهم

وهو تضييع للقضيه

آه يا عبدالله

ايه ذنبه عبد الله يموت

مدبوح كده

مجروح كده

مغصوب يكون كبش فدا

للصامتين والساكتين

والحائرنين بين ده وده

الحق صوت واحد وبس

يصرخ في كل الأورده

الانتفاضه يا عرب

ضد الذئاب الشارده.....

د. زويل 1

ووصي انه يندفن علي ارضها
علشان أصيل معجون بمية يمها
ماهو ابنها اللي رفع راسها لفوق
وكان دليله في كل كلمه عشقها
وقال نبوغه سره انه ابنها
بيحبها بيحبها بيحبها
وهي باكيه عليه وباكي قلبها

د. زويل 2

رحل زويل وهو عالي
كما النخيل
خالد كما الهرم الكبير
وسام علي صدركيا مصر
وتاج علي جبين الضمير
قاهر حدود المستحيل
ابكي يا نيل فيض م البكا
اسقي طريقه سلسبيل
زهر وخضر الف عام
عشان ما تنسي ابن مصر
احمد زويل

حاله

سلمت عليه وجريت م الخوف
الوش مش الوش المألوف
ضحكت كل وشوش التانيين
وقالولي استنتي رايحه لفين
الباشا بيلعب وبوشين
غمضت عنيا ملقتهوش
وكأني لا شفته ولا عرفتوش
وكان القصه فشوش في فشوش
لكن ضاع فيها سنين وسنين
يلعن أبو كل اللي بوشين
يلعن أبو كل اللي بوشين

وش السعد

يا مصر يا أم التوب بلون الورد
يا قبصه من نفسي يا وجد الوجد
يا محبباني أعيش بلقمة عيش
ويرد قلبي على الخائن بسيف الحد
اللي يحط حدود ما ليها وجود
غير في خيال الجاهل المرتد
ولأن انتي مصونه من ربك
فاستبشري بالخير يا وش السعد

طير القلب

لسه طير القلب
مكسور الجناح
صابر علي بعدكم
لكنه عمرهما ناح
ولا مره شال منكم
ولا قال كفايه جراح
لانه بيحبكم
مالي مشاعره سماح
راضي بجود ودكم
لو حتي مش مرتاح
لانه بيحبكم
وانتوا لوجوده براح

عجبي 2

مغرور ملك الماظ شافو إزاز فارماه
في قلب بركة طين حدفه ما بص وراه
شافو فقير الحال من لمعته في الطين
فطن لقيمه فلمه وقلبه قال الله
شكر كريم النعم قام الكريم علاه

قلب الوطن

ما قتلتك قلب الوطن مقهور
لما خيوط العنكبوت نسجت
شباك كثيره شكلت ميت غول
تستني تنهش أي صوت ينبت
فاصرخ بعلو الصوت صلاح الدين
هتخاف غيلان الموت وتستموت
جمع صفوف الحق مليون صف
الجمع قوه لنصر هيتبت
وهيرجع الوطن الجريح منصور
من تاني يبني الاساس للدنيا ويثبت
احنا الاوائل والدليل محفور
زيح الغبار راح تثبت المثبت
القاعده والبرهان في نفس اللوح
نظرية هنعلمها للمحبط

بس خلاص ...

والله لطبل وأغني للحق اللي في قلب الناس
مهما يقول الباطل عنه الباطل وسواس خناس
يقلب عقلك مليون درجه ويجرك تشرب م الكاس
والكاس فيه سم قاتل هيموت فيك الاحساس
لما تشعر بالهمزات اقرا في سرك سورة الناس
تهدي النفس ويهدي القلب وتطبل بس علي أساس
يا ابني اسمعني واسمع مني مصر أهم
بس خلاص

رمانة الميزان

مصر ابدأ مش شويه –
مصر شمس الانسانيه
الزمن يقلب ويرجع
ومصر ثابتة الهويه
انتبه لو كنت ناسي
أو غفلت ولو شويه
الثوابت شئ اساسي
ومصراصل الدنيا ديه
هي رمانة ميزانها
هي فطرتها السويه

عجبي 3

هسهس هسيس ورق الشجر
قالى كلام كله عبر
يجي الربيع أبقى بديع
والصيف يعطشنى الشتا
ولما ييجى الخريف
تلقانى للارض غطا
وعجبي

نخبه ...

قوم اتلم مصر أهم
من ثرثره وسخافة دم
بتقول نخبه يادي النيبه
هي النخبه ناقصها المم
ولا خيانه وراها خيانه
عقل ابالسسه وتفكير سم
لسه هتمكرربنا أمكر
عدله ميزان لعباده يعم
فافضل زم وزم وزم
مصر بفضله أمن وسلم

يا رب

يارب ياقهار

خلقت لنا الجنه و خلقت لنا النار

وجعلت لنا ليل وجعلت لنا نهار

فبحق كل جميل خلقتة ورعيته

وبحق كل عظيم ابدعته وحميته

احمي بلادي يارب وصونها م الاشرار

واجعلها واحة امل في كل حذب ودار

واجمع صواب القلوب لدربك المختار

يارب مصر يارب

يارب مصر يارب

نجيها يا غفار

لقمة عيش

مين الي مستني التمن
علشان يعيش
والدفع من قهرة وطن
والاسم عيش
يا محروقين من ارتفاع
سعر الوقود
لسه اقتصادنا ضعيف
محتاج صلابة عود
فكفايه رفع المشانق
فوق حناجركم
بتشنقوا ف البلد
باسم لقمة عيش

مش فوضى

ولسه الثوره ممتده علي عقولهم

عقول الخسه والرده

عقول باعت أمل ونجاه

دقون شعسه بلا أفواه

مسوخ في الفكر منحدره

وثورتنا علي عقولهم

هتفضل شوكة في صدورهم

بأن الدنيا مش فوضى

وإن حرمة الاوطان

لها قدسية الايمان

لا هي جدال ولا معارضه

الحق لازم ينتصر

لسه الكلام هيجيب كلام
والمعني قادر ينتصر
ويوثق الموقف تمام
ويكون دليل المنتصر
يا لملمات المحبطات
الحق لازم ينتصر

وبتعارك مع الدنيا

وبتعارك مع الدنيا
وبستناها تصالحني
وهي سايقه في دلالها
بتهجرتني وتجرحني
وبتغازل في ناس مش ناس
وترمي الملح فوق جرحي
يعذبني الألم فأثور
فلاقي في ثورتي فرحي

حطب النار

ازاي يا ناس الناس
تبقي خدم ومداس للي يأكلها
تبيع جوار واخوات
علشان تلم فتات بيسم افكارها
قطر يا سوس مدسوس
من صهينة ابليس
صنعت مقادرها
لكن القدير جبار
راح يجمع الاشرار
في النار تنورها

تجريف العقول

روحك هتطلع لما تطلع شوف
هتلاقي نفسك كنت بس خروف
جاهل وماشي بحبل بيجره
علي حافة الهوه قرارها مخيف
اسخف عقول شايله رصاص ودمار
وبتذكر الاسلام بفكر سخيف
لا له علاقه بدين ولا احكام
ولا بسنه وكل ده تجريف
لعقول من الخسه بنت ابدان
حرام تقول دول ناس
وقول حلايف
من التخلف والبلايه تيروس
ماشيا ورا الشياطين بلا تكليف

اجرام ورا اجرام يا حزب الشر
تقتل وتحرق والسبب الزيف
ايوه يا ابليس السبب تزيف

11---11

سرّاب يا كل أسراب الكلاب
يا نهّاشين قوت البلد
يا مسعورين علي الخراب
عاوزنها نار تاكل وطن
عاوزين جحيم يفني التراب
ابدا ومش هيكون لكم
غير غضبة الشعب المهّاب
الشعب ده قال كلمته
واخذ قراره بالأمل
علشان ما يرجع الاغتراب
11---11 لمين
للاخونه ولا لدا عش

ولا لبقيت الذباب
صهاينه ولا امريكان
تركي وزاعنله غراب
كل الكلاب اتجمعوا وبينبحوا
وهينبحوا
وهيردحوا
وهيرجعوا ويروحوا
ما هما م الاخر كلاب

مصر أهم

شايف يا سيدي شايف يا عم
شاهد عليهم حالهم يغم
فاكرين كيان المعارضه زم
اشتم رئيسك سب ف حكومتك
وعيب في جيشك تصبح أشم
جهل المعارض في فرض صوته
وان الحقائق بيها ملم
فكر شويه وافضل معارض
الحكمه نعمه يمكن تضم
حد يوافقك ويشيل مبادئك
ولا يبادلك زم بزم
ارجوك يا حضرت يالي معارض
حاول تردد ورايا قولي
مصر أهم مصر أهم

أنا مصرية

انا مصريه وفخوره
وعرقى بيسري فيه الدم
انا أصلية مش صوره
وفرعونية أب وأم
انا ماضى يخلد عمر
وأعمار الجميع بتضم
انا الدنيا تدرسنى
وبرضو بتنسى ما بتصم

فاكر إنه ملاك

فاكر انه ملاك مبيغلطشي
وكلامه ناشف ومنشي
مع ان الحجه ضعيفة الحال
والحال بطل مبيعدلشي
علشان مغرور قافش علطول
والصبر معاه مبينفعشي
علشان ترضيه
اكذب وواريه
نافق معاليه وما تندمشي
هيجبك موت ويكون مبسوط
وانت هترتاح لو مفهمشي

غالى

غالى الضنا غالى أغلى من الدنيا
والعمر ما يسوي لو نفقده ثانيه
غالى غلو الروح تفديه منين ما يروح
ماهو نبض النفس الي ييجي ويروح
يا ضل قلبي احميه سمي عليه سمي
لما تشوفني عنيه القاها بتغني

طريق القدر

ماشي في طريق القدر

ماشي ومالك صوت

راضي بكل العبر

او حتي مش مبسوط

شاهد علي دنيتك

وحكمة الملكوت

انك تعيش الحياه

علي بال ما ييجي الموت

يا شيخ

يا شيخ بلحيه شبر
عمال تنبزني
وتقول وقولك مر
عالنار بيحدفني
كل أموري حرام
قصدك تعجزني؟؟
وانا شخص اصلي بسيط
ما اعرف من الدنيا
غير اني أصلي واصوم
واتمني لو عمره
واعيش كفاح الحياه
واجري علي اللقمه
فاو عاك تعسرلي ديني

ديني انا حسه
كله سماحه وأمان
والسلم من اسمه
رب العباد رحمن
رؤوف علي خلقه

حاله 2

كان بيلعب كان بيضحك

لما قدره فات عليه

ثانيه واحده صرخه واحده

الملاك غمض عنيه

اه يا قلبي الطف يا ربي

صبر القلب الي داب

وجعه عليه

اللهم لا اعتراض

أخذ وديعته في المعاد

والسما فرحانه بيه

عل الجنان الحلوه رايع

وابتسامته ضي ليه

تقول لامه او عاكي تبكي

ده انتي لو شفتي مكانه

هتسجدي م الفرحة بيه

يا وطن

كل ما يشتد عودك يكسروك

كل ما يظهر صمودك يقهروك

من دواعش

من صهاينه

من شياطين السياسه

الي لسه بيخنوك

ضميني

خديني تاني لسكتك
ورجيني لدنيتي
انا تهت في حدود المدي
وتوهنتي غربتي
ضميني في حضنك أوام
ضميني أمي وتبتي
حضنك لروحي براح كبير
دفعه يدوب قسوتي
سامحيني تايب م الذنوب
وباب سماحتك خلوتي
ضميني اكر من زمان
ضميني أمي وتبتي

نور الله

لسا الامل مكتوب
ان القلوب تلتقاه
ومدام ف ليل ونهار
يبقي ف لسه حياه
يعني ما تحمل هم
يالي في عينك اه
ربك كريم وهاب
ادعي وقول يارب
تلقاه سند ونجاه
الله يا نور الله

آه يا نای

ومين قالک تحب يا ناي
وتعزف لحن اشجانک
ومين قالک تعيش ازاي
وتسکن جوه احزانک
فلا تشکي ولا تحکي
ولا تلعن ف ايامک
طلبت الدمه من بدري
ما حد يا حلو
جابهاک

الأصل والصورة

كرهنا شكل الذقون بسبب ذقون غيره
وكرهنا لبس النقاب بسبب نفوس عوره
يا ذاكر اسم الله اسمع خشوع قلبك
الشكل مش مقياس ممكن يكون صوره
فلا الذقون استقامه ولا النقاب الستر
التقوي هي علامة نفس مقبولة

600 حته

الهم زاد عالقلب متحملش
اصبح عليل دقاته متكملش
يارب ليه خلقتنى شاعر
كتله مشاعر تدوب من الالم وتكش
وأنا قلبي شال الهم من بدرى
من وقت ممسكت القلم وقفشت
وكتبت عن صدق ومبدأ حق
وانا الحياه حوليا كذب وغش
حاولت أحارب واصنع بالقلم فارس
بيجوب دروب الظلم ولا بيخفش
لكن رجعت فى درب أوجاعى
نحيف عليل من ألام عود قش
يارب حررنى من الكلمات

خلینی انسان عادی عایش بس
یاکل ویشرب ینام ویعلی تشخیره
ویقول عن الاخلاق غباوه وهتش
یارب قلبی خلاص بقى 600 حته
نفسی ألمه بقى وأتلم ماتکلمش

خلخال الأمل

الشمس لازم كل يوم تشرق
تنور الدنيا وتحياها
ومصر لازم كل يوم تبرق
بتوب مرصع يتحكي بيها
دقي بخلخال الأمل خطوتك
يا مصر دوسي اوجاعك وعديها

إلى روح أبي

عدت عليا الزكريات
في دقيقه واحده من الزمن
لما قالولي خلاص ده مات
صنع السكات صرخة ألم
في تسع سنين دمع وأنين
ومرض لعين اسمه الشلل
كالأخطبوط مد الخيوط
صنع التابوت بدموع شجن
وبالف اه سافرت وراه
دعياله يرتاح م الألم
وقلوب كثير مليانه خير
تقرا آيات تصبح سكن
مستبشرين بالصابرين

لما بدي ضي الكفن
علي وشه نور ورضي وقبول
يا فرحتي ردي الشجن
فربي رحمن رحيم
يهبه جنات عدن

اللهم ارحم ابي رحمة واسعه وادخله فسيح جناتك يا رب
العالمين

توفي 13- 12- 2016 المغفور له
(ابراهيم سيد احمد حواس)

صلى على المصطفى ...

الليلة ليلة صفا
صفي القلوب صفي
وصلي عالمصطفى
الي هواه صفي
انا قلت ياما كلام
وكتبت علي كفي
لكني ما وفيت
ولا شعري هيو في
حب الرسول في الفؤاد
في البرد بيدفي
ويملا يومك هنا
وم الالم يشفي
يا بلسم المجروح
يا حبنا العفوي

الباقي لل دراويش

سجل انا عربي
قالها زمان درويش
بكاني من قلبي
والنوم حلف ما يجيش
وسهرت جوه الوجع
وحلفت اني ماجيش
وطني حزين مكسور
وزماني نازل طيش
ناصر عليه المحن
باصص في لقمة عيش
فالي زماني اقول
لا تأمن الدنيا
يوما لك تبقي
والباقي لل دراويش

إسمع يا عم حسين

لسه هقول تاني اسمع يا عم حسين
وافهم بداية القول من كلمتين اتنين
وكمات نهاية القول في كلمتين اتنين
الدنيا والاخره طريق ومش طريقين
تمشي في دنيا الحياه نافش رموش العين
منفوخ وجواك فراغ وسواد بلون الطين
تكره وتحسد وتحقد وتأذي في الباقيين
تلعن تسب وتسخط ما أنت قليل الدين
ناقم علي قدرك رافض تكون هين
مغرور كما الشياطين
لكن وإيه اخرتك وانت البعيد عاصي
مربوطه علي دنيتك في النار عذاب وجحيم
تمشي في دنيا الحياه تلقي قلوب كالطير

م الطيبه والرقه طايرين كما العصافير
ملايكه جوه بشرمليه قلوبها الخير
تفرح اذا شفتها تحس بالتبشير
وان الحياه جنه والاخره تستني
تشتاق وتتمني القرب م الغاليين
اللي رضوا ربهم والدنيا كات عندهم
سبيل لأحلي مصير

الميدان قلب الوطن

كلنا مشروع شهيد
كلنا قلب الوطن
مش هنسمح للعنيد
مهما بيصدر محن
انه ينخر في الكيان
بالشعار الممتهن
قله شاردہ عن الطريق
جيه تحرمنا الامل
واحنا رغم كل شئ
هنحاربهم بالعمل
والمضي علي الطريق
نصر يسحق العطن
ياشهيد احنا وراك

ضي نورك في العن
قائد الثوره الجديده
والميدان قلب الوطن

والله إني مؤمنه

المعجزات بدأت هنا
المعجزات من أرضنا
لما اله العالمين اتجلي
ع الجبل المقدس عندنا
يا ربنا باركتنا
الله اكبر ع المنح
الانفراد من حقنا
افخر بنفسك يا ولد
واوعاك تطاطي للزمن
راح ينعدل راجع لنا
انا مش هكتر في الكلام
يا كل أعداء السلام
نهايتكوا مرسومه هنا

نور الحضاره بدأ هنا

وهينتهي من عندنا

والله اني مؤمنه

والله اني مؤمنه

بس بعدالة ربنا

سفينة نوح

وخليكي سفينة نوح وعدينا
علي بر الامل روي وودينا
عشناكي وعشقتك عالجبين موشوم
يا قلب الكون يا ماسه لسه مدفونه

شخبطه.....

ليه الحروف متلخبطه متنعكشه

والقافيه مش متظبطه

كان نفسي ارسومها بساط

واطير علي اخر مدي

اغزل من الكلمات غطا

لكن قصيدي معانده متمرده

سايقه دلالها علي الورق

ومصممه ع الشخبطه

قسوة

كل الكلام الحلو راح
القسوة ضيعت السماح
صبحت قلوبنا كما الحجر
ضاقت بها سبل البراح
والكل ناظم ع الجميع
والاتفاق لسه اقتراح
يا شمس بكره ما تطلعش
علي بشر ما بتستحيش
شغلته تنبيش الجراح

زمرۃ الأشرار

يا زمرۃ الاشرار يا شاعلين النار

المولي مش غافل

هيمدكم طغيان ومال وغي كمان

ووقاحه الغافل

بس الحساب هيكون من رب

عدله قانون

وحسابه في الاخر

ع اللي يضل الناس وشباب

يا ناس كالماس

خلوه هشش ضامر

ما بنفع الاوطان وحتى نفسه كمان

نحروها بخناجر

زوبعة عفير

خلي الي يقول يقول

ماهي الاقوال كتير

طول ما انت ع الطريق

ومحكم الضمير

قود المسيره عافر

ربك اسمه القدير

هينصرك بصدقك

استبشر بكره خير

وراك شعب يساندك

لو هاجت البعير

مصر اهم يا قله

كزوبعة عفير

تمسح عيوننا منها

ونكمل المسير

أوجاع

ووسط غيوم

ووسط سدوم

ووسط هموم متتعدش

لمحت وميض

لضي خفيت

فرحت جرئت ما صدقتش

وقلت سراب

امل كداب

وقلت الوهم بيهبش

فى قلب حزين

وحزنه قديم

صنع اوجاع مبتخفش

ولسه بحور

ولسه بدور
برغم ده كله ميستش

سم الناب

وتمرينا السنه
ويجي نفس المعاد
وتخرج التعابين
من جحرها المعتاد
الشر سم الناب
نفسه يطول الفؤاد
بس الفؤاد في السما
جنب السحاب مجلسه
يا اخبث الحساد
ما يطولوا من حقدكم
سوي غبار التراب
الي في صدوركم

سواد
يا رب يا منتقم
انت السند والمداد

حمال

حمال بشيل احوال علي ضهري علي راسي
عمر ما شيء هدي ولا حنيت راسي
لكن حمل القدس لخبطني انفايي
شتت خطاوي الامل لوح باجراسي
واذان علي مدنتي ودموع قلوب ناسي
فبحق دمع القلب واذاني واجراسي
هسبت وما هنكسر وهشيلها علي راسي
لحد باب الامل يا رب مش ناسي

من النيل إلى الفرات

بلفور وعدهم من زمان
والوعد عهد الامريكان
م النيل الي نهر الفرات
حلم الصهاينه الي ما هان
بلفور وعد بالفوض
في الشرق العتيد
علي بعد اميال خططوا
خريطة الشرق الجديد
والفوضي خلاقه يا عم
يا كندليسا الحل دم
اصل الفرات في ايدينا بات
فاضلنا النيل والهرم
وده الاهم

بلفور يبصرخ يا وطن
المصري حطم الامل
لما هزم حلم الخسيس
لما انتفض كل البشر
ملايين علي طول الوطن
وكانها زفة عريس
بلفور شيطان تعبان كبير
عمال يسمم في النفوس
عمال يصنع اسلحه
وبيحتمي بكل التيوس
بلفور خلاص عايز يموت
عمال بيهدم في البيوت
عمال بينخر في السكوت
رايح علي القدس بيلهب
الف نار

في قلوب هتهزم الانكسار
يا ملعونين ما تقربوش من قدسنا
وحلمكم -- المستحيل
ارهابكوا هيرد عليكوا
وترامب هيكون الامير
اعلن خلاص هو وجماعته
الانتحار
ياالف مليون الف نار
قومي احرقى قلب التتار
ونوري درب العرب
القدس مستنيه
تخدوا التار

آسفه

اسفه جدا يا زمانى
انى مقدرتش اكون حد تانى
حد قاسي او اناني
حد عايش لاجل ذاته
جوه احساسه الانانى
اسفه انى لسه جوه الطيبه طفلة
بحبي بسذاجة معانى
لا تلومنى يا زمانى
بكره هبقى حد تانى

ليه ؟!.....

وليه دمعي قريب منى
وليه ما اكونش انا اقوى
وليه بسمح تعذبني
وتخرسنى وانا سامعه
فمن دلوقتى انا هصرخ
وهرفض انى اكون شمعة
تنور للجميع سكة
وهي دايبه من دمعة

بحور الشعر

بقول الشعر على قدي
واعوم في بحوره وبعدي
ساعات الموج يكون عالي
يتوهني ويبعدني
ولما يهدي افرجه
يبوح قلبي بما بدى
ولولا الشعر وبحوره
مكان يرسى غناه عندي

دموع الصمت

وبيشيل الزمن ويحط
وبيرسم لقدرك خط
تحتار الدروب تمشيه
تطلعه وتنزل بيه
وترجع من بدايه الخط
على اول رمال الشط
وبيغضب فى ثانية الموج
ويلخبط رمال الشط
ما يفضل غير دموع الصمت

الشاعرة فى سطور



الاسم / هناء ابراهيم سيد احمد حواس

حاصلة على عدة تكريمات من اتحاد المبدعين العرب واتحاد

الكتاب المصري وشهادات تقدير من بعض المجلات

الالكترونية

صدر لها ديوان (فضفضة شهيد)

العنوان / قرية محلة روح ... مركز طنطا ... محافظة الغربية

تليفون / 01066163185

01123650602

محتوى الكتاب

- # بطاقة الكتاب 2
- # إهداء 3
- 1 - وهتكلم 4
- 2 - عجبى 6
- 3 - بشارة 7
- 4 - وهتكلم 2 8
- 5 - كل عام وانتم بخير 9
- 6 - أنا شاعر 11
- 7 - عناء الشعر 13
- 8 - شهد الكلام 14
- 9 - قطر الغلابة 16
- 10 - صباح الخير 18
- 11 - لحن المصير 19
- 12 - بلدى 20
- 13 - بحلم 22

- 14 - مثقفون مع إيقاف التنفيذ 24
- 15 - آه يا عبد الله 25
- 16 - د. زويل 26
- 17 - د. زويل 2 27
- 18 - حالة 28
- 19 - وش السعد 29
- 20 - طير القلب 30
- 21 - عجبى 2 31
- 22 - قلب الوطن 32
- 23 - بس خلاص 33
- 24 - رمانة الميزان 34
- 25 - عجبى 3 35
- 26 - نخبة 36
- 27 - يارب 37
- 28 - لقمة عيش 38
- 29 - مش فوضى 39

- 30 - الحق لازم ينتصر 40
- 31 - وبتعارك مع الدنيا 41
- 32 - حطب النار 42
- 33 - تجريف العقول 43
- 34 - 11-11 45
- 35 - مصر أهم 47
- 36 - أنا مصرية 48
- 37 - فاكّر إنه ملاك 49
- 38 - غالى 50
- 39 - طريق القدر 51
- 40 - ياشيخ 52
- 41 - حالة 2 54
- 42 - يواطن 56
- 43 - ضمينى 57
- 44 - نور الله 58
- 45 - أه ياناى 59

- 46 - الأصل والصورة 60
- 47 - 600 حته 61
- 48 - خلخال الأمل 63
- 49 - صلى على المصطفى 66
- 50 - الباقي للدرأويش 67
- 51 - اسمع يا عم حسين 68
- 52 - الميدان قلب الوطن 70
- 53 - والله انى مؤمنة 72
- 54 - سفينة نوح 74
- 55 - شخبطة 75
- 56 - قسوه 76
- 57 - زمرة الأشرار 77
- 58 - زوبعة عفير 78
- 59 - أوجاع 79
- 60 - سم الناب 81
- 61 - حمال 83

62 -	من النيل الى الفرات	84
63 -	آسفة	87
64 -	ليه ؟!	88
65 -	بحور الشعر	89
66 -	دموع الصمت	90
67 -	الشاعرة فى سطور	91
68 -	محتويات الكتاب	92

